

**ZAVOD ZDRAVSTVENOG OSIGURANJA
ZENIČKO-DOBOJSKOG KANTONA**

**Broj: 06-45-5005-4/24 (H.A.)
Zenica, 15.04.2024.godine**

Na osnovu člana 69. i člana 70. Zakona o javnim nabavkama ("Službeni glasnik BiH", broj: 39/14 i 59/22), direktor Zavoda zdravstvenog osiguranja Zeničko-dobojskog kantona, donosi

**O D L U K U
o poništenju postupka javne nabavke**

Član 1.

Poništava se postupak javne nabavke usluga odvoza otpada, pokrenut Odlukom o pokretanju postupka javne nabavke putem otvorenog postupka broj: 06-45-5005/24 od 15.03.2024.godine.

Član 2.

U skladu sa članom 69. stav (2) tačka a) i tačka e) Zakona o javnim nabavkama BiH ("Službeni glasnik BiH", broj: 39/14 i 59/22), Ugovorni organ donosi Odluku o poništenju postupka javne nabavke usluga odvoza otpada za LOT 1, iz razloga što je dostavljena ponuda za LOT 1 nepravilna i neprihvatljiva, a za LOT-ove: 2, 3, 4, 5, 6, 7, 8, 9 i 10 iz razloga što za navedene LOT-ove nije dostavljena nijedna ponuda u određenom krajnjem roku.

Član 3.

Ova Odluka objavit će se na internet stranici stranici Ugovornog organa, i to istovremeno s upućivanjem odluke ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama („Službeni glasnik BiH”, broj: 39/14 i 59/22).

Član 4.

Ova Odluka stupa na snagu danom donošenja.

Obrazloženje

Postupak javne nabavke usluge odvoza otpada pokrenut je Odlukom o pokretanju postupka javne nabavke broj: 06-45-5005/24 od 15.03.2024.godine, putem konkurentskog zahtjeva za dostavu ponuda, u skladu sa Planom javnih nabavki Zavoda zdravstvenog osiguranja Zeničko-dobojskog kantona za 2024.godinu broj: 01-100-4-60/23 od 25.12.2023.godine, broj:01-100-6-78/24 od 09.01.2024.godine, broj: 01-100-9-89/24 od 24.01.2024. godine i broj: 01-100-11-110/24 od 09.02.2024. godine. Procijenjena vrijednost javne nabavke usluga odvoza otpada iznosi 8.200,00 KM (bez PDV-a).

Dana 29.03.2024.godine, Komisija za javne nabavke imenovana Rješenjem broj: 06-45-5005-1/24 od 15.03.2024.godine održala je sjednicu o pregledu i ocjeni ponuda za nabavku usluga odvoza otpada. Komisija za nabavku je započela sa radom u sjedištu Ugovornog organa, sa početkom u 12:00 sati. Krajnji rok za prijem ponuda bio je 29.03.2024.godine do 11:00 sati.

Na sjednici Komisije konstatovano je da je blagovremeno na protokol Ugovornog organa sljedeći ponuđač dostavio ponudu (cijene su iskazane bez PDV-a): „ALBA Zenica“ d.o.o. Zenica, po cijeni od: LOT 1 – Usluge odvoza otpada za sjedište Zavoda zdravstvenog osiguranja Zeničko-dobojskog kantona po cijeni od 5.651,76 KM.

Na osnovu traženih uslova za učešće i potrebnih dokaza koji su traženi u konkurentskom zahtjevu za dostavu ponuda, izvršena je analiza/ocjena ponuda i konstatovano da se ponuda ponuđača „ALBA Zenica“ d.o.o. Zenica za LOT 1 – Usluge odvoza otpada za sjedište Zavoda zdravstvenog osiguranja Zeničko-dobojskog kantona, ul. A.A. Borića 28 B, Zenica, odbacuje kao nepravilna i neprihvatljiva, iz razloga kako sijedi:

Tačkom 14.1. Tenderske dokumentacije za predmetnu nabavku je propisano da je ponuđač u svrhu dokazivanja lične sposobnosti iz člana 45. Zakona o javnim nabavkama ("Službeni glasnik BiH", broj: 39/14 i 59/22) dužan dostaviti Izjavu popunjenu i ovjerenu kod nadležnog organa (općina, notar ili drugi nadležni organ prema važećim propisima koji se odnose na ovjeru potpisa, prepisa ili rukopisa).

Uvidom u ponudu ponuđača „ALBA Zenica“ d.o.o. Zenica, Komisija je utvrdila da isti nije dostavio Izjavu o ispunjavanju uslova iz člana 45. Zakona o javnim nabavkama (Prilog 14 TD).

Sastavni dio Tenderske dokumentacije je između ostalog i Izjava ponuđača (Prilog 2 TD), Pismena Izjava iz člana 52 Zakona o javnim nabavkama (Prilog 15 TD) i Nacrt Okvirnog sporazuma za LOT 1 - Usluge odvoza otpada za sjedište Zavoda zdravstvenog osiguranja Zeničko-dobojskog kantona.

Ponuđač u svojoj ponudi nije dostavio sljedeću dokumentaciju: popunjenu i potpisanu Izjavu ponuđača (Prilog 2 TD), pismenu Izjavu iz člana 52 Zakona o javnim nabavkama (Prilog 15 TD) potpisanu i ovjerenu od strane nadležnog organa, potpisan i ovjeren nacrt Okvirnog sporazuma za LOT 1.

Tačkom 16. Tenderske dokumentacije je propisano da se ponuda čvrsto uvezuje na način da se onemogući naknadno vađenje ili umetanje listova.

Stranice ponude se označavaju brojem na način da je vidljiv redni broj stranice.

Uvidom u ponudu ponuđača „ALBA Zenica“ d.o.o. Zenica, Komisija je utvrdila da nisu čvrsto uvezane sve stranice ponude, a niti označene rednim brojevima.

Procijenjena vrijednost navedena u Obavještenju o nabavci broj: 108-7-2-16-3-22/24 za LOT 1 – Usluge odvoza otpada za sjedište Zavoda zdravstvenog osiguranja Zeničko-dobojskog kantona je 4.350,00 KM (bez PDV-a), a ponuđač „ALBA Zenica“ d.o.o. Zenica je za LOT 1 dostavio ponudu u iznosu od 5.651,76 KM (bez PDV-a).

U skladu sa članom 2. stav (1) tačka l) Zakona o javnim nabavkama je propisano da je ponuda: -neprihvatljiva – čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta; -nepravilna – koja nije u skladu s tenderskom dokumentacijom ili je primljena izvan roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Članom 57. stav (1) ZJN je propisano da se u postupku javne nabavke kandidat/ponuđač pridržava zahtjeva i uslova iz tenderske dokumentacije.

Članom 68. stav (4) tačkom i) je propisano da je ugovorni organ dužan odbaciti ponudu koja nije potpuna i ne ispunjava zahtjeve iz tenderske dokumentacije.

Prema citiranim odredbama, da bi se ponuda smatrala prihvatljivom, mora da zadovolji sve uslove i zahtjeve iz tenderske dokumentacije, a to znači i da su dostavljeni svi dokazi/dokumenti koje je ugovorni organ tražio tenderskom dokumentacijom, i da su isti kompletni.

Za preostale lotove (2,3,4,5,6,7,8,9,10) koji su definisani tenderskom dokumentacijom broj: 06-45-5005-2/24 od 15.03.2024.godine, nije dostavljena nijedna ponuda u određenom krajnjem roku. Obzirom da je ponuđena cijena za LOT 1. veća od osiguranih sredstava koja su bila predviđena za taj LOT, a za ostale LOT-ove (2,3,4,5,6,7,8,9,10) nije dostavljena nijedna ponuda, Ugovorni organ poništava predmetni postupak javne nabavke.

U skladu sa članom 69. stav (2) tačka: a), d) i e) Zakona o javnim nabavkama ("Službeni glasnik BiH", broj: 39/14 i 59/22) ugovorni organ obavezan je poništiti postupak javne nabavke u slučaju da: nije dostavljena nijedna ponuda u određenom krajnjem roku; nijedna od primljenih ponuda nije prihvatljiva; cijene svih prihvatljivih ponuda znatno veće od osiguranih sredstava za predmetnu nabavku.

Imajući u vidu navedeno, odlučeno je kao u dispozitivu Odluke.


Pravna pouka: Protiv ove Odluke može se izjaviti žalba, u rokovima propisanim članom 101. Zakona o javnim nabavkama ("Službeni glasnik BiH", broj: 39/14 i 59/22).

DOSTAVLJENO:

1x Ponuđači

Služba za javne nabavke

1x a/a



DIREKTOR

Omer Škaljo, prof.